

Cyngor Tref Llandeilo Fawr
Llandeilo Fawr Town Council



Cofnodion o Gyfarfod o Gyngor Llawn Cyngor Tref Llandeilo a gynhaliwyd yn Neuadd y Sir, ar ddydd Mercher 22ain 2006 am 7.30 p.m.

Presennol: Maer Cyng Colin Jenkins
Cyng Charlotte Leadbeater
Cyng Ros Bellamy
Cyng Roy Davies
Cyng Ieuan Gwyn
Mr Roger Phillips (Clerc y Dref)
Mr. Christopher Plummer (Swyddog Cyllid)
Mr. Des Davies (Swyddog Technegol)
Dirprwy Faer Hugh Towns
Cyng Richard Wallace
Cyng Pam Steane Price
Cyng Fran Murphy

Yn Bresennol : Cynghorydd Sir Ieuan Jones

Ymddiheuriadau: Ni dderbyniwyd unrhyw ymddiheuriadau.

Materion yr Heddlu : Cafwyd adroddiad ar y mis blaenorol gan y Rhingyll Neil Jones. Mae ymholiadau yn cael eu gwneud mewn perthynas â'r achos o dorri mewn a dwyn yn CK's. Gwnaed archwiliadau llwyddiannus iawn ar gerbydau ac o ganlyniad i hyn arestiwyd unigolyn y tu allan i'r ardal. PC Vernon Thomas fydd y Swyddog Cymunedol swyddogol o dan y strategaeth Plismona Cymunedol a bydd yn dechrau ar ei waith ar yr 2il o Ebrill. Codwyd rhai materion mewn perthynas â fandaleiddio gan yr aelodau ac addawodd Rhingyll Jones ymchwilio i'r rheini.

6734 / Mawrth / 06 Cofnodion Blaenorol

Cymeradwywyd ac arwyddwyd y cofnodion o'r cyfarfod llawn a gynhaliwyd yn Siambr y Cyngor, Heol Cilgant ar ddydd Mercher, 22ain Chwefror, fel rhai cywir gan gynnwys y diwygiad canlynol :-
Cof. 6722 / Chwefror / 06 newid 'penderfynwyd' i'r gair 'awgrymwyd'. Cynigiwyd gan y Cyng Ieuan Gwyn ac eiliwyd gan y Cyng Ros Bellamy. Pawb o blaid.

Darllenwyd a chymeradwywyd Cofnodion o'r Pwyllgor Cynllunio a gynhaliwyd yn Neuadd y Sir ar ddydd Mercher 8fed Mawrth 2006 fel rhai cywir. Cynigiwyd gan y Cyng Fran Murphy ac eiliwyd gan y Cyng Richard Wallace. Roedd pawb o blaid.

Darllenwyd Cofnodion o'r Pwyllgor Cyllid a gynhaliwyd yn Neuadd y Sir ar ddydd Mercher 8fed Mawrth 2006 fel cofnod cywir. Cynigiwyd gan y Cyng Hugh Towns ac eiliwyd gan y Cyng Ieuan Gwyn. Roedd pawb o blaid.

6735 / Mawrth / 06 Adroddiad y Cynghorydd Sir

Dywedodd y Cynghorydd Sir Ieuan Jones ei fod wedi gofyn i Mr Peter Morgan (CSC) i gael caniatâd gan dirfeddianwyr lleol er mwyn cael mynediad i archwilio'r wal sy'n ffinio â'r ardd Gymunedol.

Dywedodd y Cyng Jones fod yna le gwag gyda'r AALl fel Llywodraethwr yn Ysgol Gynradd Llandeilo.

Yn dilyn hyn cafwyd trafodaeth ar y cynnydd diweddar ym mhrisiau'r maes parcio. Cynigiwyd gan y Cyng Ros Bellamy ac eiliwyd gan y Cyng Pam Steane Price i ofyn i'r Clerc ysgrifennu at Glercod Cynghorau Llanyrnddyfri a Rhydaman yn cynnig cefnogaeth y Cyngor i gychwyn protest yn erbyn y taliadau. Roedd pawb o blaid.

Dosbarthwyd taflenni "Cittaslow" o Ludlow gan y Cyng C. Jones yn amlinellu manteision y fenter Slow Cooking.

6736/ Mawrth / 06 Materion yn codi o gyfarfodydd Blaenorol

Cafwyd adroddiad ysgrifenedig gan y Cyng Ros Bellamy ar y cyfarfod a gafwyd gyda'r Cyng Pam Steane Price mewn perthynas â diweddarau Gwefan y Cyngor.

Cynigiwyd gan y Cyng Colin Jenkins ac eiliwyd gan y Cyng Roy Davies y dylai unrhyw ddiweddarau i'r Wefan, gan gynnwys unrhyw ffotograffau, eu hanfon at y Clerc erbyn y penwythnos cyn cyfarfod o'r Cyngor Llawn er mwyn i'r Clerc anfon unrhyw waith cyfieithu ymlaen at Dewis. Fe fyddai hyn yn caniatáu saith niwrnod i'w gynnwys ar y Wefan.

6737 / Mawrth / 06 Materion Ariannol.

1. Anfonebau i'w Talu.

BT (rent y llinell ffôn)	£ 51.97
VIKING DIRECT (Deunydd Swyddfa)	£ 163.63
Orchardweb (Diweddarau misol)	£ 35.00

Cynigiwyd gan y Cyng Ros Bellamy ac eiliwyd gan y Cyng Charlotte Leadbeater.
Roedd pawb o blaid.

2. Siec heb ei thalu i mewn. Dywedodd y Swyddog Cyllid fod y rhodd i Ford Gron Llandeilo heb ei chyflwyno. Addawodd y Maer y byddai'n cael golwg ar y mater.

6738 / Mawrth / 06 Adroddiad y Maer

Cafwyd adroddiad gan y Maer Cyng Colin Jenkins o'r holl gyfarfodydd a digwyddiadau yn mae wedi eu mynychu ar ran y cyngor yn ystod y mis.

6739 / Mawrth / 06 Treftadaeth – Prosiect Llwybr y Dref

Cyflwynodd y Cyng Ros Bellamy adroddiad ysgrifenedig ar ran y gweithgor. Mae'r cais cyntaf am arian grant o Gronfa 1 wedi'i wneud. Mae'r paneli wedi'u hanfon i'w cyfieithu ac mae'r placiau wedi'u harchebu. Mae ail ddrafft y daflen arfaethedig wedi'i llunio.

Gofynnodd y Cyng Bellamy am ganiatâd y Cyngor i beidio â gosod tri o arwyddion cyfeirio ar gyfer prosiect y Llwybr oherwydd anawsterau cynllunio a'r gost o'u cynhyrchu. Cynigiodd y Cyng Ieuan Gwyn y dylid rhoi caniatâd ac eiliwyd hyn gan y Cyng Hugh Towns. Roedd pawb o blaid.

6740 / Mawrth / 06 Prosiect yr Ardd

Rhoddodd y Cyng Pam Steane Price adroddiad ysgrifenedig o'r gwaith sydd wedi'i wneud gan gyflwyno ffotograffau i'w cynnwys ar Wefan y Dref.

6741 / Mawrth / 06 Adroddiad ar Neuadd y Sir

Cyflwynodd y Cyng Ieuan Gwyn adroddiad ysgrifenedig ar y prosiect. Mae cais cynllunio wedi'i gyflwyno ar gyfer y newidiadau arfaethedig i'r adeilad. Gan fod hyn yn fater brys, mae'r Maer wedi rhoi ei gymeradwyaeth i'r ffi o £120 gael ei dalu. Mae ffi'r Pensaer ar gyfer y gwaith o gynllunio yn £ 2545.37. Dosbarthwyd rhestr o gontractwyr cymwys fydd yn derbyn manylion o'r gwaith i'w dendro amdano. Mae angen sic am £174.64 er mwyn cyflwyno cais i CSC er mwyn cymeradwyo rheoliadau adeiladu. Cynigiodd y Cyng Ieuan Gwyn y dylid derbyn hyn. Eiliwyd gan y Cyng Roy Davies. Roedd pawb o blaid.

6742 / Mawrth / 06 Arddangosfa Tân Gwylt

Cyflwynwyd adroddiad ysgrifenedig gan y Cyng Hugh Towns ar gyfarfod diweddaraf y gweithgor. Codwyd dau fater.

- 1) Y dylai'r Cyngor ofyn i argraffydd lleol gynhyrchu'r rhaglen.
- 2) Y dylid rhoi ystyriaeth ofalus wrth ddewis cwmni i brynu'r tân gwylt oddi wrtho, gan fod yn rhaid rhoi'r costau yn erbyn y gwahanol hyfforddiant a gynigir gan wahanol gwmnïau. Trefnir cyfarfodydd misol.

Mae'r datganiad o gyfrifon gan y Swyddog Cyllid yn dangos colled o £207.66, ond bydd hwn yn cael ei droi'r elw bach pan fydd y TAW ar gost y tân gwylt yn cael ei adennill.

6743 / Mawrth / 06 Adroddiad y Gweithgor Gweithdrefnau

Cafwyd adroddiad ysgrifenedig gan y Cyng Hugh Towns gan y gweithgor sydd wedi'i sefydlu i adolygu'r gwahanol weithdrefnau a weithredir gan y Cyngor. Bydd angen adolygu'r Rheolau Sefydlog a Rheoliadau Ariannol, ac mae'r Rheolau Mewnol i'w rhoi yn y rheoliadau Ariannol.

6744 / Mawrth / 06 Adroddiad y Swyddog Cyllid

Mae cyflwr y Bont Siglo yn parhau i achosi pryder i aelodau. Mae'r Cyngor wedi derbyn sicrhad fod CSC yn gwneud 'gwaith cynnal a chadw parhaol'.

Adroddodd y Swyddog Technegol bod angen cytundeb gwasanaeth ar boiler Neuadd y Sir. Mae wedi trefnu cyfarfod gyda Mr Roger Davies o Lorne Stewart Ltd mewn perthynas â'r gwasanaeth y gallent ei gynnig. Cynigiwyd gan y Cyng Colin Jenkins y dylid rhoi'r gallu i'r Swyddog Technegol awdurdodi gwaith i uchafswm o £500 yn y cyfamser. Pe bai'r gost yn fwy na hynny, yna bydd y mater yn dod yn ôl i gyfarfod Cyllid Ebrill. Eiliwyd hyn gan y Cyng Richard Wallace. Roedd pawb o blaid.

6745 / Mawrth / 06 Enwebu Maer ar gyfer y Flwyddyn 2006-7

Cynigiwyd y Dirprwy Faer presennol, Cyng Hugh Towns fel y Maer ar gyfer y Flwyddyn 2006-7, gan y Cyng Ros Bellamy. Eiliwyd y cynnig gan y Cyng Pam Steane Price. Roedd pawb o blaid.

6746 / Mawrth / 06 Enwebu Dirprwy Faer ar gyfer y Flwyddyn 2006-7

Cynigiwyd y Cyng Richard Wallace fel y Dirprwy Faer ar gyfer y flwyddyn 2006-7 gan y Cyng Ieuan Gwyn. Eiliwyd gan y Cyng Roy Davies. Roedd pawb o blaid.

6747 / Mawrth / 06 – Gohebiaeth

1. Adnewyddu aelodaeth Calon Cymru sef ffi o £8.00. Pawb o blaid.
2. Un Llais Cymru – yn cadarnhau fod yr enwebiad i fynychu'r Arddwest Frenhinol wedi bod yn aflwyddiannus.
3. Cofnodion o gyfarfod Cronfa Fawr y Loteri a gynhaliwyd yn Nhre-gib – nodwyd.
4. Rhaglen Cynnal a Chadw Teithiau Cerdded yn Sir Gaerfyrddin – rhoddwyd i'r Swyddog Technegol.
5. Cyfyngiadau traffig dros dro LICC – nodwyd.
6. Ymgyrch Glanhau Sir Gaerfyrddin – rhoddwyd i'r Cyng Pam Steane Price.
7. Cyng Pam Steane Price – ad-dalu costau teithio - £28.58. Cynigiwyd gan y Cyng Roy Davies ac eiliwyd gan y Cyng Richard Wallace.
8. Partneriaeth Davies Richards (ffôn) – byddant yn cwrdd â Chynghorwyr yn ddiweddarach fel rhan o'r ymarfer ymgynghori arfaethedig – nodwyd.
9. Adroddiad rheoliadau Swyddfa'r Rheilffordd – nodwyd.
10. Rhybudd o Ddeintyddfa GIG newydd i agor yn Llandeilo, gyda dau ddeintydd llawn amser – nodwyd.

6748 / Mawrth / 06 – Unrhyw Fater arall sydd ym marn y Cadeirydd yn haeddu sylw brys, yn unol ag adran 100B(4)(B) o Ddeddf Llywodraeth Leol 1972.

1. Cais am gyfyngiadau aros – cytunwyd i aros am ymatebion pellach.
2. Cais Cynllunio. Wnaeth y Cyng Hugh Towns adael yr ystafell tra bod yr eitem hon yn cael ei thrafod. E/12579 Cael gwared â tho un codiad yn y cefn, er mwyn adeiladu to ar oleddf a chyswllt newydd er mwyn creu cyfleuster archif a mân newidiadau mewnol yn Neuadd y Sir.
Sylwadau :- Argymell cymeradwyo. Mae Ymddiriedolaeth Cambria yn cynnig nifer o swyddi diogel yn y Dref, a bydd y cyfleuster hwn yn gwella eu gwaith. Roedd pawb o blaid.

Daeth y cyfarfod i ben am 9.30 p.m.